

RESPONSIO ILLVSTRISSIMI PRINCIPIS,
ET REVERENDISSIMI CARDINALIS
Mantuani, ad Illustriſſimum Cardinalem
a' Lotharingia,
ET RESPONSIO SACROSANCTAE SYNODI
FACTVM PER ARCHIEPIſCOPVM IADRENSEM,
ad Illuſtriſſimum Cardinalem a' Lotharingia,
ET ALIA ORATIO ARNOLDI FERRERII
Parlamenti Pariſienſis Conſiliarii, & pro Eccleſia
Gallicana ad ſacrum Concilium Oratoris,
de calamitatibus Gallia.

Acta, & habita omnia in Congregatione Generali.
Die xxiii. Nov. 1562. Tridenti.



BONONIAE,
Typis Ioannis Rubei.
MDLXII.

Die 10. Sept. 1741. Johann Jakob Schuler



RESPONSIO ILLVSTRISSIMI
CARDINALIS MANTVANI, AD
Illustrissimum Cardinalem
à Lotharingia.

ILLVSTRISSIMÆ, ET REVERENDISSIMÆ
D O M I N E



O die, quo nos D. V. Illustrissima perhumaniter cōuenit, dixit, se mandata Christianissimi Regis sui coram Sancta Synodo primo quoq; tēpore exposituram. Quā ob rem elegimus Archiepiscopū Iadrensem, virum doctum, & prudentem, qui Sanctæ Synodi nomine, Illustrissimæ D. V. Orationi elegantī, copiosæ, eruditæq; qualem excellens doctrina sua nobis pollicebatur, atq; euentus ipse comprobauit, responderet, atq; explicaret, quā gratus nobis omnibus accidisset labor quem suscepit accedendi ad Conciliū, cum bona parte Episcoporum, Abbatum, & Theologorum Ecclesiæ Gallicanæ. Speramus enim ex hac doctissimorum Prælatorum accessione, magnū incrementum capturam causam Catholicæ Religionis, mirosq; progressus facturam de virtute in virtutem, correptionem lapsuum, & morum, qui hactenus in Ecclesia DEI fuerunt. Nam scimus quæ D. V. Illustrissima in Consiliis Serenissimæ Reginae Matris, & CAROLI Regis filii, dixerit, pro tuenda Religione, & pro confirmanda Sedis Apostolicæ authoritate, & Sanctissimi Domini No

stri dignitate . Quæ in concionibus ad populum dixerit , non erubescens Euangelium Christi , vt pleriq; Illustri loco nati facere consueuerunt . Quæ deniq; Illustrisimi fratres sui militari virtute , in hoc Gallico bello , pro Religione suscepto , præstiterint . Hæc eadem omnia à D. V. Illustrissima hic verbo , illic verò fortissimorum fratrum suorum manu , atq; armis , nos consequuturos magnopere confidimus . Sed ne videar Archiepiscopi partēs mihi sumpsisse , finem dicendi faciam , vbi D. V. Illustrissimam rogauero , ne mirari velit , si Archiepiscopus breuiori Oratione vlurus sit , quàm rei , de qua agitur , magnitudo , & vestrarum virtutum cumulus postulare videantur . Existimauit nanq; magnam se laudem tributurum D. V. Illustrissimæ .

Cum pauca , ex multis , quæ dici possent ,
excerperet , cætera verò tacite
nostræ cogitationi consideranda relinqueret .



RESPONSIO REVERENDISS. ARCHIEPISC.
IADRENSIS, NOMINE SACROSANCTI SYNODI
ad Orationem Cardinalis à
Lotharingia.

ILLVSTRISIME, AC REVERENDISIME
D O M I N E.



INTER ceteras Christianæ Reipublicæ
miserias, & calamitates, quarum me-
moriam Sacrosancta Synodus neq; de-
ponere, neq; sine lachrymis repetere
vnquam potest. Nulla eius animum cu-
rà magis anxium, ac sollicitum semper
habuit, quàm seditiones, & bellici tu-
multus, qui Religionis causa in floren-
tissimo Galliarum Regno commoti, &
concitati dicerentur. Nam cum omni tempore Regnum il-
lud firmissimum Catholicæ veritatis præsidium, & columen
iure optimo habitum fuerit, cogeatur Sancta Synodus incre-
dibili dolore affici, cum intelligeret eiusmodi factam esse re-
rum commutationem, vt non in vna, aut altera, sed in pluri-
bus eius Prouinciis omnia ferè impietas, cædes, vastitas, oc-
cupasse videretur. Accedebat præterea ad augendam doloris
acerbitatem, quòd nunciabatur nobilissimos gentis vestræ
proceres, quòd scilicet alii Orthodoxam fidè labefactatam, &
euersam, alij defensam, & conseruatam maximè cuperèt, tan-
to animorum ardo re ad arma concurrisse, quanto olim Chri-
stianissimi Reges vestri totius Gallici nominis consensu, pro
Christiana Religione propaganda, eiusq; dignitate recuperan-
da, difficillima sæpe bella suscepissent, & confecissent. Verù
antea cum hæc mala Sancta Synodus multorum fama, & audi-
tione, accepisset, grauiter sanè dolebat, & præsentem incliti
Regni statum maximè deplorabat, ita tamen, vt faciliè crede-
ret, multo sibi miserabiliorum eius fortunam videri posse, si
quæ antè sensu perceperat, cernere etiam oculis, & pro-
pius omnia eius vulnera intueri, ac penitus pernoscere licuif-
set. Quod quidem illi nunc insperato quodammodo conti-
git. Etenim Illustrissima, & Reuerendissima Amplitudo Ve-

Acta Christianissimæ Regis literas, quæ nuper recitatae sunt, Ora-
tionē suā subsecuta, ea verborum copia, gravitate, pruden-
tia, Gallicarum rerum statum, & conditionem exposuit, vt
eas non commemorasse, sed earum veluti expressam imagi-
nem omnium oculis subiecisse videatur. Quare constanter
Sancta Synodus affirmat, se nullas ei proprias, ac præcipuas
doloris partes concedere, verum eò acerbius hanc calamita-
tem ferre, quòd Amplitudo vestra Matris Sanctæ Synodi Cha-
rissimæ, & dulcissimæ filia ærumnas, & incommoda desleat,
ac conquatur. Sed tamen instantis malis animum erigit, &
confirmat, si quidem breui futurum confidit, vt Deus red-
dat puero Regi pristinam maiorum suorum, & præsertim Aui,
Parentis, ac Fratris, clarissimorum Regum virtutem, & forti-
tudinem, qua non solum nepharios hostium conatus repri-
mere, & audaciam vlcisci queat, sed in tenera etiam ætate sin-
gulare aliquod pietatis exemplum ad pulcherrimi facti imita-
tionem posteritati proderet. Deinde verò cum diuina Cle-
mentia, atque misericordia, & Sanctissimæ Domini Nostri
Pii PONT. MAX. opera, & auctoritate, hoc sanctum Generale
Cōciliū coactum sit. Si vnquam antea, nunc certe maximè
sperandum est, fore, vt verus Dei cultus, discessa errorum ca-
ligine, ab omnibus agnoscat, mores emendentur, pax, &
tranquillitas Ecclesiæ restituatur. Qua in re quemadmodum
adhuc Sancta Synodus omnem diligentiam adhibuit, vt quæ
sui muneris, & officii esse intelligebat. (adiuuante Domino)
perficeret, ita in posterum, nihil de ea cura se remissuram.
Verum si fieri possit aliquid potius ad eam studii, & industria
addituram esse pollicetur, ac spondet. Neq; verò Illustrissime
Domine (te impulsore solum, atq; hortatore, sed multò magis
(quod summæ felicitatis loco habendum existimat) adiuto-
re, & consiliario, id faciet. Nouit enim quanta tua sit optima-
rum artium, & præcipuè sacrarum literarum scientia, maxi-
marum rerum vsus, atq; tractatio, apud Regem potentissi-
mum, summosq; Principes existimatio, & authoritas, & (quod
caput est) pietas in DEUM, vitæ integritas, & innocentia, ac
vera, & catholice Religionis sincerum studium. Quæ quidem
tor, & tanta sunt, vt quid potissimum in te homines laudare
debeant, maximarum ne virtutum cumulum, an in quocunq;
genere absolutam, & perfectam earum formam, merito dubi-
tari

tari possit. Illud autem exploratissimum Sanctæ Synodus ha-
 bet, tam multa ab Illustrissima Amplitudine vestra ad com-
 munitis causæ utilitatem adiumenta allatum iri, ut sibi nunquā
 minus iucundam eius aduentus memoriam futuram cōfidat,
 quā ille ipse dies, quo venientem excepit, latissimus, ac iu-
 cundissimus omnibus illuxisse visus est. Itaq; (Illustrissime Do-
 mine) omnes hi Sanctissimi Patres, quod tam longo, difficili,
 ac periculoso itinere suscepto, ad tuendam Sanctæ Matris Ec-
 cle się dignitatem, tanta animi alacritate, accurreris, quod
 saluus, & incolumis, cum tot gravissimorum Patrum comi-
 tatus adueneris, quod tuæ præsentia, authoritate, splendoreq;
 frui liceat. Primum Deo Immortali maximas gratias agunt,
 deinde tibi ex animo gratulantur, fausta q; omnia, ac felicia a
 Domino præcantur. Cæterum quæ, vel de communibus Ca-
 tholicæ Ecclesiæ rebus, vel de priuatis Gallicarum Ecclesia-
 rum commodis proponenda erunt, ea Sanctæ Synodus quo-
 tiescunq; Regiis Oratoribus, viris præstantissimis, vel Illu-
 strissimæ Amplitudini Vestræ, de iis dicendi locus, & pote-
 stas dabitur, libentissime audiet. Neq; enim dubitat, quin
 eius Regis nomine, qui pueritiæ commendationem a pie-
 tatis acerrima defensione duxerit, cuiuscunq; in om-
 ni vitæ præcipuum ornandæ, atq; amplificandæ
 Religionis studium esse debeat, illa proponan-
 tur, quæ in primis cum vera Dei gloria,
 perpetuaq; Sanctę eius Ecclesię utilita-
 te, & summa Apostolicę Sedis
 dignitate, & amplitudine
 coniuncta esse vi-
 deantur.

ORATIO ARNOLDI FERRERII
AD SACRVM CONCILIVM.



RATIONIBVS, quas nunc audistis
(Illustrissimi DD. Sapientissimi Pa-
rtes) nihil est quod à nobis quicquam
addi, aut detrahi debeat, tantum vnū
dicemus, bona venia Paternitatum ve-
strarum, pro muneris nostri ratione;
Christianissimi Regis pius, religiosus,
& in Catholicam Ecclesiam propensis-
simus animus antea quidem erat om-
nibus, satis perspectus, & cognitus, nunc autem adductu, &
Oratione Illustrissimi Principis, & Reuerendissimi Cardina-
lis adeò est illustratus, vt ne illius quidem dubitationi locum
relinquat. Nam quo minus antea tanti viri aduentus ab homi-
nibus prudentibus, & peritis rerum humanarum sperabatur,
eò magis cum venerit, nemo est vel mediocri ingenio prædi-
tus, qui non planè videat quantum Galli Ecclesiæ Catholicæ
consultum velimus, quid; non intelligat plures, easq; grauif-
simas esse causas, quibus adductus Rex Christianissimus illum
ad vos miserit, cuius singulari consilio in rebus magnis agen-
dis, cum antea sæpe vsus est, tum maximè his miserrimis, & ca-
lamitosissimis Galliæ temporibus. Qui autem existimant pri-
uato magis commodo, quàm Reipublicæ Christianæ causa
hæc à nobis fieri, vehementer falluntur. Potest (si modò velit)
Rex Christianissimus, vel triduo seditiones omnes, ac motus
suorum componere, inquam officio, & obsequio Gallis inna-
to subditorum omnium animos retinere, sed non tam quæ sua
sunt quærit, quàm quæ sunt Ecclesiæ Catholicæ, & Pontificis
Maximi, cuius dignitatem, & authoritatem, vt sartam, tectam
in Gallia retineat, non dubitat tanti Regni Imperium, vitam
& fortunas magnorum Principum, Procerum, & Nobiliorum
in periculum adducere. Hic est Galliæ nostræ status. Hæc fun-
di nostri calamitas. Quòd si quis nos rôget, quid tandem il-
lud est, quod nos, Ecclesiæq; nostra Gallicana tantopere à Cõ-
cilio Tridentini Patribus expetit. Non sumus (Patres Sapientis-
simi) in petitionibus nostris admodum morosi, & difficiles ni-
hil

hil aliud petimus,quàm quod totus orbis Christianus flagitat
quod à Concilii Niceni Patribus petiit Magnus ille C O N -
S T A N T I N U S , hoc ipsum à vobis requirit Rex Christianissi-
mus . Omnia illius postulata continentur, aut sacris Bibliorū
literis, aut vetustis Ecclesiæ Catholicę Conciliis, aut antiquis
Pontificum, & Patrum constitutionibus, decretis, & canoni-
bus. Hęc sunt, hęc (inquam) sunt, quorum nomine Rex Chri-
stianissimus Ecclesię Catholicę primo genitus filius, Ecclesię
(inquam) Catholicę petit restitutionem in integrum, apud
vos, quos Dominus noster I E S U S C H R I S T U S pastores legi-
timos creauit, neque hoc ipsum petitur ex clausula (vt dici-
tur) generali, sed ex verbis expressis edicti illius diuini, & per-
petui, aduersus quod nunquam fuit, neque vnquam erit vsu-
capiōi, aut p̄scriptiōi locus. Redeant saltem quasi post-
liminio in sanctam D E I ciuitatem, & in lucem hominum tan-
dem prodeant, quę antiquus hostis Sathan vi eripuit, & lon-
go tempore suppressit. Sic D A R I U S Persarum Rex motus in
Iudęa propter Religionem excitatos sedauit. Non enim ad
arma continuo, verum vt maiorum suorum leges, & antiqua
edicta inquirerentur, iussit. Cumq; inuentum esset Regis
C Y R I edictum de reditu Iudęorum in Iudęam, & templi in-
stauratione à maioribus suis neglectum, mandauit executio-
ni, & ita pacati sunt tumultus. I O S I A S Rex laudatissimus, &
sincerissimus Ecclesiasticę disciplinę exactor, & reformator
librum legis ab A L C I A magno Sacerdote inuentum, postea
quàm hominum malitia longo tempore suppressus fuerat, pri-
mum legit diligentissimè, deinde lectum recitauit populo,
tūm ex illius p̄scripto ritus, & p̄cepta diuina Iudęis resti-
tuit. Strenui illi N E H E M I A E milites, quos tantopere commē-
dat C H R I S T O M O S , altera quidem manu telum tenebāt,
altera muros Hierusalem edificabant, hoc est, Ecclesiam ex
antiquis Patrum legibus restituebant. Nisi hęc fiant (Patres
Sapientissimi) frustra à vobis rogabimur, num etiam pacta est
Gallia? nos enim vobis respondebimus quod Ichu Regi Iorā
roganti, num pax? num pax? & quomodo inquit ille pax. cum
adhuc supersint, & vigeant? Nostis cetera. Nisi his rebus di-
ligentius detur opera frustra confugiemus ad potentissimi il-
lius, & maximi Regis Catholici affinitatem, singularem amici-
tiam, incredibilem liberalitatem, frustra fidem, & auxilium
implorabimus

Implorabimus Pontificis Maximi, Serenissimi Venetorum
Dominii, Lotharingæ, Allobrogum, & Heturriæ Principū
auxiliares copias: frustra enim (mihi credite) erit equus ad sa-
lutem. Nisi hæc à vobis fiant, turbabitur breui nimia quarū
dam securitas, & (quod caput est) qui interea peribunt;
tametsi id illis sua propria iniquitate, & peccato eueniet, vo-
bis tamen peribunt, hoc est sanguis illorum de manu vestra
requiretur. Sed priusquam nos ad ea veniamus, quæ suo loco,
& tempore sumus dicturi, secundumq; mandatorum nostro-
rum formulam agemus, petimus à vobis (Sapientissimi Patres)
à vobis inquam, quos nostra sponte scimus esse fatis incita-
tos, quorumq; pietatis, Religionis, & in omnes homines cha-
ritatis sumus non solum auriti, sed etiam oculati testes, vt
ea, de quibus iamdiu cœpistis deliberare, quàm breui-
simè fieri poterit, absoluantis, quo citius possitis de
multo grauioribus, & magis hoc tempore ne-
cessariis sententiam vestrā dicere, & his cō-
uentibus Ecclesiasticum finē impone-
re, ad laudem, gloriam, & honorē

DEI PATRIS Omnipoten

tis, eiusq; filii Domi

ni Nostri I E S U

CHRISTI.

Conclusum est a Sacrosancto Concilio, ut Sessio futura fieret die xviij. mēsis Decembris. Hoc tamen adiecto, quod ipsa Sācta Synodus prædictum terminum, sicut & unicuique Sessioni in posterum præfigendum, prout ei expedire videbitur in Congregatione Generali liberè restringere, & prorogare possit, & valeat.

Permittente Reuerendo P. Fr. Vincentio Spar-
giato Sanctissimæ Inquisitioni-
nis Vicario.



BONONIÆ,
In Vico Diui Mammoli ad insigne
Mercurii. 1562.

1035.22

99 95 69 28